



Bosna i Hercegovina
Federacija Bosne i Hercegovine
GRAD ZENICA

Trg BiH 6 72000 Zenica
telef. 032/208-000, Gradonačelnik telef. 032/401-215, fax 032/402-476

Broj: 02 - 49 - 14866/17
U Zenici, 06.09.2017. godine

**DIREKTORIMA SVIH JAVNIH USTANOVA I PREDUZEĆA
OSNIVAČA GRADA ZENICA**

**NADZORNIM ODBORIMA JAVNIH PREDUZEĆA
UPRAVNIM ODBORIMA JAVNIH USTANOVA**

**PREDMET: Urgencija u vezi s primjenom Preporuka o transparentnosti i
socijalnom aspektu zapošljavanja direktorima javnih ustanova i javnih
preduzeća, čiji je osnivač Grad Zenica,**

Poštovani,

Odmah po saznanju informacija o nedavnim zapošljavanjima u određenim javnim ustanovama i preduzećima, čiji je osnivač Grad Zenica, provedenim od strane direktora istih bez prethodnog raspisivanja javnog konkursa, ovim putem urgiram prema menadžmentima naših javnih preduzeća i ustanova da se dosljedno pridržavaju odredaba Preporuka o transparentnosti i socijalnom aspektu zapošljavanja, kojim smo odredili jasno utvrđena pravila i principe prilikom odlučivanja o potrebama za novim zapošljavanjima svake vrste, kao i provođenje takvih procedura.

Koristeći ovlaštenja Gradonačelnika, propisana odredbama člana 34. tačka 5. Statuta Grada Zenica, s isključivim ciljem sprečavanja svakog eventualnog budućeg kršenja gore navedenih preporuka i u tom smislu svakog samovoljnog, netransparentnog i neracionalnog upravljanja ljudskim resursima u javnim ustanovama i preduzećima, čiji je osnivač Grad Zenica, ovim aktom istovremeno **urgiram prema menadžmentima istih da svoje potrebe zapošljavanja novih kadrova, detaljno obrazložene u pismenoj formi, dostavljaju na prethodnu saglasnost ovom osnivaču i to prije donošenja odluka o raspisivanju javnih konkursa i oglasa u predmetne svrhe.** Osim odrješitih nastojanja za upotrebom svih dozvoljenih sredstava zaštite šireg društvenog interesa u funkcionisanju naših javnih ustanova i preduzeća, te s tim u vezi kvalitetnog i odgovornog obavljanja njihovih djelatnosti, posebno ističem apsolutnu lišenost bilo kakvih nečasnih namjera na strani funkcije Gradonačelnika, a koja bi se povodom traženja iz ove urgencije

eventualno mogla pogrešno protumačiti u smislu postojanja ikakvih pretenzija za direktivističkim upravljanjem u radu menadžmenta ovih javnih ustanova i preduzeća.

Imajući u vidu sve naprijed navedeno, uz insistiranje na bezrezrvno služenje najboljim interesima našeg grada, očekujem ubuduće dosljedno postupanje po ovoj urgenciji.

S poštovanjem,

Dostavljeno:
19x Naslov
1x a/a



GRADONAČELNIK:

Fuad Kasumović
Fuad Kasumović